

中國地方志集成

河北府縣志輯 ②⑥

民國霸縣新志

康熙霸州志

民國涿縣志

上海書店 ● 巴蜀書社 ● 江蘇古籍出版社

重修涿縣志序

縣之有志猶國之有史也大義通例具體而微而已大而天地經緯星野小而山川人物政事民風咸列簡編以傳後世而資觀感攷古籍類如邊防郡邑之略郡國利病諸著皆私家史與之專書也而華陽元和兩志尤開縣志先型顧一州郡之史事所關於民族遞嬗國家興替者至重且大洵爲一代學士大夫之責而不可忽者也民國十九年冬予奉檄爲涿長視事之初將欲求施政之由微覽舊志始知絕而未續者六十餘年茲事之久廢也深堪惜焉夫涿有關於吾民族也由來遠矣溯黃帝之始基也率吾華族自西東漸寧路藍縷以啟山林誅蚩尤於涿鹿之野驅除異類安宅中土至今涿之西郭蓋有蚩尤塚云迨至虞舜雖十有二州封十有二山涿仍堯建爲幽首府東迄遼水西起太行醫巫閭山實爲幽鎮延廣二千餘里皆幽地也降及漢季復於幽之東鄙置玄菟樂浪諸郡樂浪東暨當今朝鮮平壤故城去秋夷禍卒作戕劉我東省妄言遠地非華本土若非典籍可徵將何以明其詐質其

河北省涿縣志

序一

北平京師印書局承印

枉哉與史舊志其有關於吾國也如此且涿人文特盛自古迄今不衰其姓氏傳紀固已備詳志中不復具載而尤以劉琨祖逖二人乘板蕩之秋奮鷹揚之志抵挫異族爲炎胄爭光地靈人傑信其然也然則修涿志於夷寇侵陵國步艱難之際其意義不更大乎況涿志轍廢六十餘年其間外侮紛乘視往代爲鉅災祲喪亂變法更張亦較古昔爲繁其盛者率四千年專制殘局開二十年共和新軌易科舉爲學校習武事衣胡服四裔文化互通萬國車書異制自頃以黨建國以黨治國三民主義爲國大經革故鼎新咸關將來資鑑且也涿地迭經兵燹圖籍散亡掌故舊聞端實故老傳述私人紀載當此耆宿健在工史例能文章續修涿志可謂得其時宜其人矣初議甫決遂先聘名宿士紳張摘辰周葆生蕭佑卿陳濟生高琴堂吳伯彝諸子主董其事縣黨部及各機關首長咸熱心贊茲盛舉而邑之文士且翬與焉富室耆紳亦慨助膏火紙筆之資分類執事閱兩月而規模備具適

省府通令各縣修志限月上報將爲省志張本遂一舉而兩益備焉按涿志以故州

牧吳山風所修本爲善後曾一續祇增益吳志之條目而已今茲所修仍本吳志取

材凡其不合時制及舊無建置者分別而增刪之值國難期內而志成閱時一年又半後予解組已三月矣繼任者遼陽馮君繼唐親觀其成完茲大業涿人士以予曾與從事特於付梓之日函予索叙予不學無文爰述其實還以報之是日也東望遼天風景不殊舉目有河山之異顧懷先民不禁感慨係之矣是爲叙
大中華民國二十一年九月十八日閭陽宋大章叙於燕京寓廬

河北省涿縣志

序二

北平京師印書局承印

序一

縣之有志所以計自然之現象人事之沿革與夫文化之或興或替陳述既往而昭示來茲者也所包容者既廣則敘述之法爲要於是乎修志者咸致意於體例之得失焉清之盛時陸稼書先生爲靈壽縣志取例極嚴樹體最正厥後之修志者率多宗之蓋當時推崇聖治維護先師醇然儒家之言思無悖聖賢著書之旨斯爲得已今我國家外受強鄰之侵內多政變之擾昔日閉關自足之勢不能復守人民之生計社會之事業無不爲此界橫流所掃宕故物幾難保守國步益以艱難有志之士遂取中外物質精神諸文明比較之而判得失別去留用以謀復興策強盛夫國之基在縣所以爲國富強之資者須一一於縣樹其基教育必求其普及實業必使其振興建設之次第實施治安之確切保障均應講求於一縣之中然後推之全國而著者也果能百務循序而進使人民生計無不充社會事業無不舉則一縣之內土地開而利澤溥矣工商櫛而民生裕矣民智增而文化日高人皆安居樂業夫然後

河北省涿縣志

序二

三 北平京城印書局承印

統一縣之事物計其得失榮衰之蹟以及經營締造之人於事觀其消長之因於人察其成敗之數筆之於書以爲致力之準斯名縣志體例固不侔也而爲用豈不大哉尙何有於泥守舊日體例填砌以成篇章者也詳見始觀涿政半載而重修涿縣縣志以脫稿聞感夫編輯者之賢勞採訪者之周密以及資助者之熱心公益歷二年之久始斐然蔚然成書凡八編於是知此邦人士對於人民生計社會事業必能羣策羣力共觀厥成今欲相與致力所以躋一縣於富強之域者當無慮夫寡助矣式宣我懷殷於篇末爲序

中華民國二十一年十一月

遼陽馮舜生序

序三

綜覽古今中外文獻典籍凡成一帙每歷相當時期始行於世蓋不有倡其先者無以集於中不有善其後者無以觀厥成理有固然勢所必至也邑乘雖小而關於地方文化進步政治沿革經濟發展人物盛衰又豈可例外視之哉矧經六十餘年之陳述一旦欲重修而續之則斷非率爾操觚所能蔽事詳見來宰涿邑下車伊始詢悉縣志編纂委員會由前任宋君雲文倡立於前馮君繼唐踵行於後聘請地方紳耆從事修纂歷時兩年初稿始脫斐然可觀但困於印資未遑付梓當即竭力籌劃以期有成嗣由黨政各機關領袖鑒於時日得以寬假遂約請士紳及專門學者分任審查加以整理畧者詳之闕者補之又越一載分輯八編舉凡輿圖標識經緯度數經濟狀況水利溝渠以及古蹟金石文字繪畫之影印一一搜羅而增益之準今酌古精益求精實打破歷史上舊紀錄而開縣志之新紀元也至縣屬三坡又復迭加採訪釐訂專編巨細兼收猶爲詳盡計自民國二十一年至二十四年經過相當

河北省涿縣志

序三

四 北平京城印書局承印

時期而事猶擱淺善後之責尙容有旁貸乎茲將再稿付諸梨成寔文欲成之志竟繼唐未竟之功此志告成得與古今中外文獻典籍相輝映匪獨於湯有光即參加編纂採訪籌辦審查校印諸君不亦榮幸而愉快乎姑誌始末弁諸卷首俾披覽斯志者知此舉良非易易希有以鑒諒焉云爾乙亥夏臨溟孫維善序於河北涿縣政府

序四

涿志防於明成化乙巳成於清康熙丁巳雖具有成書仍苦未臻完備迨乾隆乙酉知州事吳公山鳳以前志疎略倡議重修萬卷圖書儘供攷訂六房案牘足備參稽考獻徵文補殘正誤有條不紊閱者稱之越百餘年至同治壬申州牧周公紹達復事續修除人物藝文諸門略有增加續於舊志之次餘僅就舊志之訛略處爲之校正迄今又六十年過去歲

省政府將修全省通志徵集各縣事蹟 宋鑑文明府方牧斯土乃集邑人從事編纂事既竣邑之人士僉以縣志久未修也請於 宋公凡省令所徵皆足爲邑志藍本就此重修事半功倍議既定乃詳其略增其闕考政治之沿革正輿地之謬誤六閱月始脫稿惟此六十年中耆老云亡諮詢匪易兵燹之後櫛冊銷殘僅就所知依次編輯其採訪未及文獻無徵者未免尙有遺憾至若時移世易事與時違者舊志可稽亦不復贅屬稿既就爰誌其梗概如右

河北省涿縣志

序四

中華民國二十一年歲次壬申八月修志同人謹序

五

北平京城印書局承印

重修涿縣志委員會職員一覽

籌辦 吳爲憲 張錫麒 茅 愷 蕭彥輝 劉葆筠 周椿楨

督辦 溫址峯 沈維銓 高振聲

總纂 宋大章 馮舜生 孫維善

分纂 周存培 張星樓

校對 陳 惠 蕭啟宗 楊 荃 徐景智

採訪 劉鍾策 蕭承宗 張學銘 陳文賓 林鴻勛

劉鳳奎 焦潤之 徐桂華 王德桂 魯廷弼 張子楨

陳 愷 蕭士瑤 周奎齡 方天沛 馮樹勛 李樹藩

方培鑫 尙 誼 盧宗藩 蕭述宗 蕭嗣宗 張宗耀

任維屏 周寶華 史學超 劉恩壘 周梓全 王右文

趙承緒

河北省涿縣志

職員一覽

繪圖 臧國政 朱廣元 吳震華

一

北平京城印書局承印



涿縣志編纂委員會同人合影

涿縣志目錄

涿縣輿圖 涿縣城圖

第一編 地志

第一卷

經緯 沿革 位置 面積 山脈 河流溝渠 氣候 地質 關隘 名勝 古蹟

第二卷

交通 植物 動物 禮俗 宗教

第二編 建置事迹

第一卷

城池 學宮 舊廨 祠廟 倉廩 驛傳 防汛 橋梁 坊表 家墓

第二卷

正紀 雜紀

河北省涿縣志 目錄

第三編 經濟

第一卷

實業

第二卷

財政

第四編 黨政組織

第一卷

黨部 機關

第二卷

團體

第三卷

學校

第四卷

自治

第五編 選舉 職官

第一卷

職士 科名 貢士 武科 封藩 學校畢業生

第二卷

歷任官佐 官續 雜選 文職兼途 武職兼途

第六編 人物

第一卷

帝王 后妃 名臣 仕蹟

第二卷

儒林 文苑 忠節 孝義

河北省涿縣志

目錄

第三卷

烈女 隱逸 流寓 外儒

第七編 藝文

第一卷

詞賦 序跋 詔令 奏疏 書牘 哀祭 傳誌 叙記 論著

第二卷

金石 圖像 書法 繪畫


第八編 三坡

一卷全

溯源 區域 氣候 戶口 政治 公安 教育 實業 交通 物產 習俗 方言 生活

北平京誠印書局承印

圖城縣涿



涿縣志

第一編 地志

第一卷

經緯

涿縣位於東經一百一十五度五十八分北緯三十九度三十分

附舊志星野

分野之說自漢南史遷班固諸家發之而或以易卦配地城一或是以節氣當國分或以律呂配入辰次言之而其說日夥矣然言人人殊莫衷一是蓋古之州縣雖不改以山川不也陰陽之河以分其野而總之以易卦實九州之分今李淳風之撰《乙巳占》凡州地實折九州諸山皆有分星之據山冀州者以分此不為尾之輪矣故采史書之虛灼然易明者其論難不盡衷乎古製之據山河以分此不為尾之輪矣故采史書之虛灼然易明者其論左列如

河北省涿縣志

第一編 地志 第一卷 經緯

北平京城印書局承印

之析木之次燕之分度也

晉書天文志自尾十度至南斗十一度為析木於辰在寅燕之分野屬幽州郡

太平寰宇記涿州

星分尾宿十六度

清順天文分野書涿州

房山冀州文安尾四度

清一統志順天府在尾箕析

木之次涿郡入尾十度箕析

沿革

虞書肇十有二州分冀州東北醫無閭之地為幽州於時涿為幽州地商周因之戰國時涿為燕國地韓非子曰燕以薊為國襲涿方城班固曰燕與六國俱稱王領有北平上谷新城安次等郡縣秦分天下為四十郡涿為上谷郡地漢加置郡國分上谷郡地置涿郡郡領縣二十九置涿縣此秦漢以上沿革之大畧也三國魏黃初中改涿郡為范陽郡晉為范陽國後魏仍為范陽郡齊周因之自魏晉以迄齊周易郡為范陽而涿縣之名如故隋開皇初郡廢大業初復置涿郡領涿縣唐武德初改縣

曰范陽大歷四年置涿州領范陽縣遼金元因之自唐五代以迄於元易縣為范陽而涿州之名如故明洪武初省范陽縣入州清因之民國成立改州為縣劃為京兆二十縣之一十七年後易河北省屬涿縣此涿縣沿革之大略如此夫以歷朝因革損益地錯大牙或合或分移此屬彼豈漫然宰割而比附之哉述其規模區畫大小遠近之差官僚田賦之等論世者披覽流連庶可知其梗概焉

周稱國

燕國記云武王克殷反商未及下車而封黃帝之後於薊史記謂武王滅紂封召公於北燕與周同姓漢書以薊為故燕國召公所封穀梁以燕為周之分子古史考召公奭周之支族帝王世紀召公文王庶子其說各異尚書正義引左傳富辰言文王之子一十六國無名奭者則樂記所云封黃帝之後於薊者即召公是也詩補傳薊後改為燕猶唐之為晉荊之為楚

秦改稱郡

河北省涿縣志

第一編 地志 第一卷 沿革

北平京城印書局承印

上谷郡秦滅燕以其都及西境為上谷郡

漢改稱國

燕國漢高帝元年項羽入關立臧荼為燕王都薊三年韓信用廣武君策發使於燕燕王臧荼降五年反漢誅臧荼立盧綰為王十一年綰反降匈奴十二年又立子建為王文帝元年徙琅邪王澤為燕王景帝六年國除元狩六年封子旦為燕王元鳳元年國除

漢又改稱郡

涿郡漢高帝六年分上谷郡置涿郡屬縣二十九涿遼穀邱固安南深澤范陽蠡吾容城易鄭州鄉安平樊輿成良鄉利鄉益昌陽鄉西鄉饒陽武垣新昌高郭臨鄉中水阿陵阿武廣望高陽王莽改涿郡為垣翰後漢仍為涿郡屬縣七涿遼固安范陽良鄉新城方城屬幽州刺史

三國魏稱郡

范陽郡魏黃初七年改爲范陽郡追封武帝子矩爲王
晉又改稱國

范陽國武帝泰始元年改爲范陽國封宣帝弟廆子綏爲范陽王屬縣八涿良鄉方城長鄉道固安范陽容城建興後沒於石勒於蒯置幽州燕郡歷慕容儼符堅慕容垂州郡之名如故

後魏齊周改稱郡

范陽郡元魏復爲范陽郡領涿固安范陽長鄉方城容城道七縣北齊惟領涿道范陽三縣後周省道縣領縣二

隋稱郡

涿郡開皇初廢范陽屬幽州大業三年以幽州爲涿郡屬縣九涿蒯良鄉安次固安潞懷戎雍奴昌平

唐改稱州

河北省涿縣志

第一編 地志 第一卷 沿革

三 北平京城印書局承印

涿州天寶元年改涿郡爲幽州范陽郡先是武德七年改涿縣爲范陽縣大歷四年幽州節度使朱希彩奏請於范陽縣置涿州仍割幽州之范陽歸義固安以隸之又析固安置新昌凡領縣四太和六年以故督亢地置新城亦以隸之凡領縣五五代遼稱州

涿州晉天福初入於遼仍曰涿州置永泰軍屬析津府統縣四范陽固安新城歸義

宋金改稱郡

涿水郡宣和四年遼將郭藥師以州降宋賜郡名曰涿水

宋金又改稱州

涿州宋宣和七年郭藥師叛降金仍爲涿州屬中都路領縣五范陽固安新城定興奉先

元稱州

涿州太宗八年升爲涿州路中統四年復爲涿州屬大都路領縣二范陽房山

明稱州

涿州洪武初省范陽縣入州屬北平府尋屬順天府領縣一房山

清稱州

涿州領縣一房山雍正七年以房山縣屬順天府州遂無屬

民國改稱縣

清季革命事起至壬子民國成立遂改稱縣

位置

涿縣在昔爲京南各省冠蓋往來之孔道商旅輻輳貨物雲集已爲其他各縣所未有迨清光緒二十二年京漢鐵路成不但交通便利而市面之繁盛又逾從前數倍茲將本縣四至及與鄰縣縣城距離之里數詳述於後
縣治在北平西南一百四十里
東至固安縣界三十里至縣治六十里

河北省涿縣志

第一編 地志 第一卷 位置

四 北平京城印書局承印

西至涿水縣界三十五里至縣治五十里

南至新城縣界三十里至縣治六十里

北至良鄉縣界二十五里至縣治七十里

東南至霸縣治一百一十里

西南至定興縣治七十里

東北至宛平縣界五十里至縣治一百四十里

西北至房山縣界二十五里至縣治五十里

面積

舊志僅有城周九里五十九步全縣面積若干並無詳明記載今經勘丈計全縣面積及縣城里數如左

全縣東西六十五里南北五十五里合三千五百七十五方里城周延袤一千六百四十九丈有奇合九里五十九步

山脈

涿縣地屬平原本無名山可供紀載惟上溯周秦兩漢以及魏晉隋唐涿之或爲國或爲郡或爲州彼時雖有山嶺之可言然皆在其他縣境於涿無與焉迨清雍正七年屬縣房山亦隸屬順天則境內遂無山之可名矣今按舊志所載無論岡陵山阜凡在縣境以內者仍詳細紀載昭示來茲餘則概爲削去以免沿襲附會之失焉

獨鹿山 在縣北十五里漢書武帝紀元封四年冬十月行幸雍祠五時通回中道遂北出蕭關歷獨鹿鳴澤服虔注曰獨鹿山名也在涿郡道縣北界土阜隆然鳴澤在其下今土人名之曰東鹿頭西鹿頭

盤坡 即三坡也在縣西北二百里涿縣八景記坡有上中下之分西爲表而東爲裏儼若畫屏夕陽西墜紫綠萬狀迨天寒雪降三坡下一白無際觀此佳景即以世外桃源擬之亦不爲過

仙風坡 在縣北十二里舊志安樂窩宋邵康節先生居此今謂仙風坡

河北省涿縣志

第一編 地志 第一卷 山脈 五 北平府城印書局承印

河流 浮落岡 在縣東北三十里唐袁天綱之墓在焉

河流

涿縣河流來源甚遠其橫貫全縣者爲巨馬河湖梁河次之挾河又次之餘如涿水范水桃水以及牯牛永定等河或占涿縣之一隅或爲兩縣之交界或因年湮代遠而昔稱巨浸今爲細流或因水道變遷而古有其名今難徵實若沿襲附會反恐與實際不符今僅就舊志所載證諸鄭氏所注擇其信而有徵者錄

巨馬河 即古之桃水又名渠水在縣北郭外五里源出涿水縣經易縣北又東經涿水縣北至房山縣屬鎮江營村北入縣境即分兩支一支東流又分兩小支經宋家營里池沙溝等村至縣治西北一支南流經高村常村韓村近南北芳樹折而北流至縣治西北與東流一支合併同趨永濟橋下東流至張村與湖梁河合併又東經向陽刁窠至小柳村與琉璃牯牛等河合併其下即爲大清河南流經東西茨村及望海莊楊家屯等村至固安縣屬北相村出境

湖梁河 在縣北十里亦名胡良河即古涇水也一統志源出房山太安山東南流

由涿房兩縣所轄之長溝鎮入境縣屬馮村夾河等十餘村開濬溝渠引水載稻該十餘村彌望皆稻鄉也東南復經磨子頭下胡良東西鹿頭至張村與巨馬河合併挾河 在縣北二十里水經注源出良鄉縣西甘泉原東谷世謂之挾活河名勝志河水俱活東西不定故謂之挾活水一統志挾河出房山縣西南中院谷一名韓村河方輿紀要自房山縣屬白家莊入境經縣屬挾河村迤北入琉璃河

琉璃河 發源宛平縣西界其上游爲古聖水又名龍泉河西南流入房山縣界復東南流經良鄉縣屬琉璃河鎮及與里祖村入縣境經縣屬之劉家莊北港至碼頭鎮爲民船所泊南至小柳村與巨馬河合併同入大清河

涿水 舊志在縣西北水經注涿水出涿鹿山世謂之張公泉方輿紀要涿水源出保安縣之涿鹿山經山谷中歷房山縣界東南流至縣北又南合於挾河按以上所紀大略相同其餘如寰宇記名勝志一統志諸書所載皆與此異其或水流遷徙非

河北省涿縣志

第一編 地志 第一卷 河流 六 北平府城印書局承印

復當年舊迹歟然今已無此水姑志之

桃水 舊志在縣西北水經注聖水自涿縣東與桃水合首受涿水於徐城東南良鄉縣西分涇水東經道縣北又東經涿縣故城與涿水合併謂之涿水又謂之桃水今無考

范水 舊志在縣西南方輿紀要自易水涿水流入縣境下流合於巨馬河按水經注易水又東梁門阪水注之阪水北接范陽陂陂在范陽城西十里方一十五里陂水南通梁門淀方三里涿水東南流出長注易水謂之花水今無考

永定河 在縣東三十里即桑乾河由良鄉縣屬金門關入縣境西界爲陶家營南蔡等村經由宛平縣屬長安城鎮出境

牯牛河 在縣東北三十里輟輔志云鹽溝廣陽一水之會流也舊志廣陽河一名義源河源出房山縣東北公村至縣城東南與鹽溝河合流爲三叉口又南流由良鄉縣屬之官莊陶村入境經縣屬之古城西郭等村至任村之西南入大清河一遇

伏汎山水漲發奔騰衝突故土人謂之牯牛河此河迤東原有支河一道久淤

附溝洫

督亢溝 縣東南水經注巨馬水又東督亢溝水注之此水上承涑水於涑谷引之則長津委注過之則微川輟流水德含和變通在我東南流經道縣北又東經涑縣鄺亭樓桑里南又東散而爲澤即督亢澤也

北涉溝 縣西北此水上分涑水於良鄉縣之桃水東經涑縣故城又東北與涑水會世謂之北涉溝

南涉溝 縣西北即督亢水此水首受涑水於徐城東南良鄉縣西分涑水世謂之南涉溝

岐溝 縣西南詳古蹟

找子營溝 縣東南十五里經潘各莊之北屯田又名潘各莊溝又經南屯田過柳河營北爲柳河營溝折而東與豹子莊溝合流固安縣界入河

河北省涿縣志

第一編 地志 第一卷 附溝洫 七 北平京城印書局承印

豹子莊溝 縣東南三十里

智軍莊溝 縣東南三十里

香營溝 縣東南三十里此溝南經馬家莊至猪皮營與智軍莊溝合流新城縣入河

河

北務村溝 縣東南二十五里東經茨村新莊入河

清溝 縣西北三十里巨馬河東引水入溉茂林莊毛家屯觀仙營監家營普利莊

魯坡泗各莊

西城坊溝 縣西北由清溝南引水入

西曠溝 縣西北三十里由西城坊溝旁引水入清乾隆二十九年春西曠村西因

歷被霖雨巨馬河決水流界道西鄉諸村時皆憂澇而閘柳村更當其衝且水源自

房山縣鐵鎖崖經高村入縣境至橫岐西曠而潰汎濫無所歸漂沫奔騰直注永濟

橋衝波激射行李苦之知州吳山風度其形勢捐俸築隄以塞之導水由松林店房

樹村紆迴環繞自西而北水若其性赴曲勢平西曠閘柳諸村固永無橫流之患即永濟橋亦免驚波之憾矣

馬路營溝 由拒馬河南流引水入

橫歧溝 由拒馬河南流引水入

二道河溝 在縣城西南十五里光緒十年經州牧查光泰督決由大團柳村西南

東流沿徐家莊東北又經茂田莊北賈村南入河此溝一通該地土脈滋潤因之收

穫稍豐云

西套洩水溝 在縣城西南二十里松林店北房樹村西長約五六里光緒年間由

州牧劉枝彥督決後民國六年袁縣長勵杰又以工代賑決清溝底始復北通入河

洛里溝

洛里溝 位於城西八里許爲大洛各莊東西里池里池店普安莊西沙溝等六村引泉水灌稻田之溝按洛各莊等村地勢低窪土壤肥沃經民國六年及十三年巨

河北省涿縣志

第一編 地志 第一卷 附溝洫 八 北平京城印書局承印

馬河水漲發變爲峭脊繼以二十三年霖雨爲災田廬悉被湮沒坍塌村民流亡載道縣長馮舜生籲請省方頒發急賑救濟災黎派建設局長侯殿甲救濟院長吳爲

憲技術員蕭承宗區長馮樹勛等駕舟前往勘查災情詳擬防止災侵計劃旋組織

工賑委員會募集米谷九十石補助六村災民依照開發洛里溝水利實施計劃於

廿三年一月開工先就里池店村西泉流將涸之廢溝施工挖掘水道疏濬泉眼復

由水泉匯處開引溝二沿六村東流按地形與村界安置水閘通衢則架設橋梁沿

溝兩岸雜草叢生之荒地盡墾爲稻田村民感於生產有望無不喜形於色縣長孫

維善蒞任後以插秧期近督促六村水利委員會兼夜興工計自一月初開工截至

六月底墾熟之稻田約十二頃荒地待墾者尚有廿餘頃村民均爭先開墾將來全

部工程告竣則貧瘠之村莊定成富庶之區域矣附洛里溝六村開闢稻田圖

賈村大欄柳等十二村溝渠

賈村大欄柳小欄柳陶家屯大馬村西壇村茂田莊徐家莊邊各莊丁家莊營各莊

第一區區立刁窩鎮完全小學校修鑿區校溝

第一編 地志 第一卷 附溝洫 九 北平京城印書局承印



立學校所經營之意也誌以數語並附畧圖

普利壩 在普利莊東南長約三里


固新二縣附近村民呈准修築




涿縣第五區各村等四村與七山縣正區等村相爭之水利於河半壁店修築分水工程水壩等全圖工水壩等全圖



河北省政府建設廳張有本



河北涿房兩縣灌河分水築成分水壩之平面圖




中華民國七年七月廿日
張有本章
如尺口距尺裡點計不點及形及下因分涿
上六二十右七公算等之用之河游兩房
數公十岸公寸分切遠水不底坡水計兩
寸公裡寸岸水實近地同情度溝劃縣


洛里溝六村開闢稻田區域圖


明 說

查該災區東里池，西里池，里池店，大洛各莊，小路各莊，西沙溝，等六村，係居南北兩沙河之間，地勢窪下，水層距地面不及一尺，土質鬆薄，上漏下溢，地性陰濕，種種不宜，是以曆年屢受水患，若不根本治理河務，恐該六村日後盡成河底。此地開闢稻田，計約可開墾三十餘頃，雖屬永久維持民生之計，如無河惠誠為救濟良策，若為永遠防除水患計，可俟開墾稻田成功，民力充實之後，再議治河辦法，以期水患永無。如此施行庶於民生河惠均能解決矣。



圖渠溝治修村二十等村賈區四第縣涿





圖四十四 河北省巨馬河一帶

氣候

按民國十九年至二十年底每年平均狀況以攝氏表計算溫度最高八十九度最低三十度普通六十度雨量六月份最多深一百公厘一月份最少深四公厘霜期首次秋霜在十月份末次春霜在二月份

地質

粘土佔全縣面積百分之二十五團粒組織黃色砂土佔全縣面積百分之十五單粒組織白色壤土佔全縣面積百分之六十團粒組織褐色

關隘

涿縣地勢平行爲漢魏以後胡馬往來之要衝防守殊爲不易至有唐末葉即設關於縣屬之岐溝以備不虞今遺址僅存

岐溝關 在縣西南三十六里一統志岐溝即水經注所謂奇溝也亦曰祁溝唐末設關於此晉王存勗遣周德威攻岐溝關下之遂園涿州胡氏曰關在巨馬河之南


河北省涿縣志

第一編 地志 第一卷 氣候 一〇一 北平京城印書局承印

宋宣和中亦曾設關於此以備金遼遼時元至元年改名岐溝鎮清乾隆間又改名岐溝村四圍土城高築形勢險要該土城南北長一百三十丈南面東西長一百十五丈北面東西長一百二十丈高三丈有奇四圍土城近雖殘缺不齊而遺跡猶存焉

名勝

漢昭烈廟 在城西南十五里樓桑村唐乾寧四年建院宇宏敞閑閤壯麗工程浩大廟貌尊嚴惟前殿所有神像均係木質高約丈餘雕刻之工絕無僅有後殿所塑昭烈關張及武侯趙雲並甘糜二夫人各像雖規模略小亦頗可觀又有古柏參天碑碣林立誠勝境也故旅涿人士往往驅車過此低徊留之不能去云



漢 昭 烈 廟

古蹟

涿自秦漢而降州郡屢更敗塋殘垣無可復識然樓桑之爲昭烈故里北臺之爲藝祖舊居要皆彰彰在人耳目其下或地以人重或事以地傳皆足以寄我遐思耐人憑弔茲分錄於左

涿郡故城 今縣治漢置縣爲涿郡治魏晉以後皆爲范陽郡治隋廢郡以縣屬涿郡唐武德七年改涿縣曰范陽大歷四年置涿州通典縣在范水之陽漢涿郡故城亦在此

西鄉故城 寰宇記西鄉故城在范陽縣西北二十五里漢書地理志西鄉侯國莽曰移風

樂城 縣東三十里其旁又有田城相傳皆遼人所築現僅存土阜二餘已遍種桑麻矣

展臺 縣西南二十里長安客話相傳燕昭王展禮賢士於此現僅存土阜高約丈

河北省涿縣志

第一編 地志 第一卷 古蹟 一一 北平京城印書局承印

餘威指爲展臺之遺址焉

華陽臺 在縣城內西北隅長安客話舊傳燕丹與樊將軍置酒華陽館出美人奇馬即此處

督亢亭 後漢書方城有督亢亭注劉向別錄曰督亢膏腴之地史記荊軻奉督亢圖入秦長安客話督亢陂舊有亭遺址高丈餘周七十步土人掘其處尙多古瓦礫金錢

鳴澤 在獨鹿山下水經注鳴澤渚方十五里漢武帝元封四年行幸鳴澤即此

范陽陂 水經注在范陽縣城西十里方十五里俗亦謂之鹽臺陂陂水南通梁門淀注易水謂之范水

漢昭烈故里 即縣東南十五里之樓桑村考天府廣記載樓桑在涿州東南爲漢昭烈故里有桑高十丈亭亭如樓昭烈兒時與宗中諸兒戲桑下指爲羽葆蓋車是也桑側有昭烈古廟唐乾寧中建明建文時燕王嘗屯兵於此按遼史涿州有涿水